



KEMENTERIAN TENAGA DAN SUMBER ASLI

KERATAN SURAT KHABAR

SURAT KHABAR	:	KOSMO AHAD			
TARIKH	:	19/9/2021 (AHAD)	MUKA SURAT	:	8
JABATAN	:	JMG			

Seramai 103 penduduk Kemensah Heights kena pindah

AMPANG JAYA – Seramai 103 penduduk dipindahkan dari kediaman masing-masing berikutan kejadian tanah runtuh di Kemensah Heights di sini malam kelmarin.

Ketua Polis Daerah Ampang Jaya, Asisten Komisioner Mohamad Farouk Eshak berkata, tindakan itu dibuat semalam bagi memastikan keselamatan kesemua penghuni melibatkan kediaman jenis rumah bandar dan banglo kerana bimbang kejadian runtuh akan berulang.

Majlis Perbandaran Ampang Jaya (MPAJ) telah membuat tindakan awal menutup kawasan tanah runtuh dengan kanvas sebelum kerja-kerja dilakukan bagi mengelak terdedah kepada hujan.

Jabatan Mineral dan Geosains (JMG) turut melakukan pemeriksaan dan kajian bagi mengetahui punca kejadian tanah runtuh di lokasi tersebut, katanya ketika ditemui di lokasi kejadian semalam.

Menurut beliau, seramai sembilan pegawai dan 39 anggota polis ditempatkan di sekitar lokasi berkenaan bagi memantau kejadian.

Dalam kejadian pada pukul 9 malam kelmarin, sebanyak 28 keluarga yang mendiami 19 rumah teres di Kemensah Heights diarahkan supaya mengosongkan kediaman masing-masing ekoran kejadian tanah runtuh di bahagian belakang rumah mereka.

Difahamkan, kejadian tanah runtuh itu berlaku berikutan hujan sejak kelmarin, namun tiada kemalangan jiwa dilaporkan.

Sementara itu, Unit Penguurusan Bencana Negeri Selangor mengisytiharkan lokasi kejadian tanah runtuh sebagai kawasan



PIHAK berkuasa menutup kawasan tanah runtuh dengan kanvas bagi mengelakkan keadaan lebih buruk di Kemensah Heights, Hulu Klang semalam.



KEADAAN runtuh di bahagian belakang rumah teres sehingga penghuni terpaksa mengosong kediaman mereka malam kelmarin.

bencana.

Menteri Besar Selangor, Datuk Seri Amirudin Shari berkata,

pihaknya melakukan tinjauan di lokasi yang terjejas bagi mengenal pasti tindakan susulan yang

akan diambil kelak.

"Runtuhan berlaku di lot bernombor 6, 8 dan 10 lalu mengakibatkan laluan sungai terhalang seterusnya melimpah sehingga menjejaskan beberapa rumah bandar," katanya.

Menurut Amirudin, kesemua penduduk yang terjejas diberikan bantuan termasuk sumbangan tunai awal sebanyak RM500 kepada setiap keluarga.

"Lokasi runtuh melibatkan tanah hak milik, jadi sudah pasti apabila laporan teknikal daripada JMG dilengkapkan dalam masa tiga hari, kita akan maklumkan tindakan pemuliharaan yang perlu dilakukan oleh pemilik tanah atau premis yang terlibat," katanya.

Dalam pada itu, Ahli Parlimen Gombak, Datuk Seri Mohamed Azmin Ali berkata, peruntukan

sekarang-kurangnya RM1 juta diperlukan bagi melakukan kerja-kerja pembinaan cerucuk besi untuk menghentikan pergerakan tanah di lokasi tersebut.

Jelas beliau, terdapat keperluan untuk menghentikan pergerakan tanah terlebih dahulu berikutan cuaca yang tidak menentu sebelum kerja-kerja baik pulih boleh dimulakan.

"JMG akan melengkapkan laporan teknikal berhubung kejadian dalam masa tiga hari bagi menentukan sama ada kawasan rumah itu selamat untuk didiami atau tidak.

"Setakat ini saya dimaklumkan struktur rumah masih utuh dan tiada sebarang pergerakan.

"Penduduk akan dibenarkan pulang sekiranya laporan mengatakn ia selamat untuk kembali diduduki kelak," kata beliau.